



**Republika e Kosovës
Republika Kosova-Republic of Kosovo
Qeveria -Vlada-Government**

Ministria e Industrisë, Ndërmarrësisë dhe Tregtisë
Ministarstvo Industrije, Preduzetništva i Trgovine
Ministry of Industry, Entrepreneurship and Trade

Agjencia për Investime dhe Përkrahjen e Ndërmarrjeve në Kosovë

**Udhëzues për aplikim në thirrjen publike për subvencionim me mjete financiare
për NVM dhe kriteret për aplikuesit**

Skema e Granteve

**Përkrahja e ndërmarrjeve mikro, të vogla dhe të mesme për blerjen e makinerive
prodhuese/përpunuese sipas kategorive Lot I, Lot II dhe Lot III**

Autoriteti kontraktues: Ministria e Industrisë, Ndërmarrësisë dhe Tregtisë (MINT)

Autoriteti zbatues: KIESA

Afati për dorëzimin e aplikacionit dhe dokumenteve përcjellëse:
Nga data 09.06.2023 deri më datë 29.06.2023

Përmbajtja

1. Hyrje
2. Përkrahja financiare e ofruar nga MINT/KIESA
3. Dokumentet e kërkuara sipas Udhëzimit Administrativ 01/2018
4. Subjektet afariste që nuk kualifikohen
5. Kohëzgjatja
6. Sqarime shtesë
7. Si të aplikohet?
8. Kriteret e vlerësimit
9. Ankesat

1. Hyrje

Qëllimi kryesor i skemës së granteve (makineri prodhuese dhe përpunuese) për sektorin privat, është të mundësojë arritjen e objektivave të politikës industriale me synim që deri në vitin 2030, ekonomia e Kosovës të arrijë një transformim strukturor në një industri më të integruar globalisht e cila është në gjendje të prodhojë produkte me vlerë të lartë të shtuar.

Për të arritur këtë synim, vlerësuar sipas analizës së performancës industriale dhe studimeve të zingjirëve të vlerës për zhvillim industrial dhe mbështetje të biznesit, janë identifikuar nën sektorët me potencial më të lartë për të arritur plotësimin e objektivave të politikës industriale, të cilët kontribuojnë në zgjerim të prodhimit, reduktim të deficitit tregtar, rritje të eksportit, rritje të investimeve dhe punësim gjithëpërfshirës. Prandaj Ministria e Industrisë, Ndërmarrësië dhe Tregtisë përmes Agjencisë KIESA fton NVM-të që të aplikojnë për përkrahje financiare sipas kësaj skeme për nën sektorët sipas klasifikimit NACE Rev2 ku fushë veprimtaria primare ose sekondare duhet të jetë në njërën nga kodet si në vijim:

- Kodi 10 Përpunimi i produkteve ushqimore
- Kodi 11 Prodhimi i pijeve
- Kodi 13, 14 dhe 15 Prodhimi i tekstilit, veshjes dhe lëkurës
- Kodi 16 dhe 31 Prodhimi i drurit dhe mobileve
- Kodi 22 Prodhimi i produkteve të gomës dhe plastikes
- Kodi 23 Prodhimi i produkteve minerale jo metalike
- Kodi 24 dhe 25 Prodhimi i metaleve dhe prodhimi i produkteve të fabrikua metalike.

2. Përkrahja financiare e ofruar nga MINT/KIESA

Shuma totale e kësaj thirrje është 1,000,000.00€. Autoriteti kontraktues rezervon të drejtën të mos shpërndajë të gjitha mjetet në dispozicion. Grantet do të ndahen përmes tre kategorive si në vijim:

- Lot 1 - Ndërmarrjet mikro, të punësuar deri në 9 punëtorë mund të përfitojnë në vlerë maksimale deri në 20,000€. Buxheti për këtë kategori është 400,000€. Numri i ndërmarrjeve përfituese është 20, por mbetet në diskrecion të autoritetit kontraktues që ky numër të finalizohet sipas thirrjes dhe nevojave të thirrjes.
- Lot 2 - Ndërmarrjet e vogla, të punësuar 10 deri 49 punëtorë mund të përfitojnë në vlerë maksimale deri në 35,000€. Buxheti për këtë kategori është 400,000€. Numri i ndërmarrjeve përfituese është 11, por mbetet në diskrecion të autoritetit kontraktues që ky numër të finalizohet sipas thirrjes dhe nevojave të thirrjes.
- Lot 3 - Ndërmarrjet e mesme, të punësuar 50 deri 249 punëtorë mund të përfitojnë në vlerë maksimale deri në 50,000€. Buxheti për këtë kategori është 200,000€. Numri i ndërmarrjeve përfituese është 4, por mbetet në diskrecion të autoritetit kontraktues që ky numër të finalizohet sipas thirrjes dhe nevojave të thirrjes.

Shënim:

Teprica e buxhetit në ndonjërin nga Lot-et, mund të bartet në Lot-et tjera.

Përfituesit e granteve duhet të bashkë financojnë realizimin e projektit si në vijim:

- Lot 1 - jo më pak se 30%
- Lot 2 - jo më pak se 40% dhe
- Lot 3 - jo më pak se 50%.

3. Dokumentet e kërkuara sipas Udhëzimit Administrativ 01/2018

- Certifikatën e regjistrimit të biznesit me të gjitha informatat përcjellëse sipas kërkesave të legjislacionit në fuqi në Republikën e Kosovës.
- Certifikatën e numrit fiskal (nuk aplikohet për bizneset të cilat numrin e regjistrimit të biznesit dhe numrin fiskal e kanë në një certifikatë).
- Vërtetim tatimor me të cilën vërtetohet se aplikuesi nuk ka borxhe aktuale tatimore të pashlyera apo obligime tjera tatimore ose është në marrëveshje për shlyerjen e borxhit me ATK.
- Listën e punëtorëve për vitin 2022 të lëshuar nga ATK (mund të nxjerrët online nga ueb faqja e ATK-së). Në bazë të listës do të kategorizohen dhe vlerësohen ndërmarrjet si: mikro, të vogël apo e mesme dhe do të vlerësohen piket e punësimit të gjinisë femërore.¹
- Kopjen e letërnjoftimit të personit/ve në emër të cilit/ve është i regjistruar aplikuesi.
- Dëshmi nga aplikuesi se nuk është nën falimentim ose nën administrim të dhunshëm gjyqësor të lëshuar nga Gjykata Themelore – kërkohet origjinali jo më i vjetër se 30 ditë.
- Dëshminë e xhirologarisë aktive të aplikuesit në njërën prej bankave të licencuara nga Banka Qendrore e Kosovës.
- Gjendjen e xhirologarisë bankare të aplikuesit për vitin e fundit (2022). Për aplikuesin e sapo themeluar kjo nuk është e aplikueshme.
- Projekt-propozimin që përfshin: qëllimin, aktivitetet e projektit, koston financiare, planin kohor të realizimit të projektit dhe strukturën organizative të aplikuesit.²
- Të mos ketë pranuar mjete nga burimet tjera të financimit për të njëjtat aktivitete, (e dëshmuar më deklaratë nën betim).
- Të kenë kryer të gjitha detyrimet nga mbështetja financiare paraprake, nëse kanë përfituar nga burimet publike të financimit nga MINT për dy vitet e fundit, (e dëshmuar me deklaratë nën betim).
- Oferta për makinerinë prodhuese / përpunuese nuk duhet të jetë më e vjetër se data e shpalljes së kësaj thirrjes.

¹ Lista e punëtorëve për vitin 2022 e lëshuar nga ATK me emrin e subjektit aplikues në harmoni me NUI.

² Forma e projekt propozimit që duhet të plotësohet mund të shkarkohet nga portali e-Kosova.

Në harmoni me kriteret e lartpërmendura, pako e aplikuesit duhet të përmbajë edhe:

- ✚ Shtojcën A - Aplikacioni
- ✚ Shtojcën B - Buxheti
- ✚ Shtojcën C - Deklarata nga aplikuesi
- ✚ Shtojcën D- Projekt propozimi

Sqarim:

Në mungesë të cilit do dokument të kërkuar me lartë, përfshirë shtojcat, subjektet aplikuese do të diskualifikohen dhe nuk do të shqyrtohen për vlerësim.

4. Subjektet afariste që nuk kualifikohen

Subjektet afariste të cilat kanë bankrotuar apo janë në mbyllje, janë nën administrim të gjykatave, kanë pezulluar aktivitetet afariste, apo i janë nënshtruar procedurave në lidhje me këto çështje, nuk mund të marrin pjesë në thirrje apo të jenë përfitues të skemës së granteve.

5. Kohëzgjatja

Kohëzgjatja e planifikuar e projektit që financohet nga MINT/KIESA nuk mund të tejkalojë katër (4) muaj që nga nënshkrimi i kontratës ndërmjet dy palëve (përveç nëse ndryshe parashihet me kushtet e kontratës apo raportit të komisionit monitorues).

6. Sqarime shtesë

- Aplikacionet mund të plotësohen në gjuhën shqipe, serbe dhe angleze.
- NVM-të që kanë përfituar subvencionim me mjete financiare për blerjen e makinerive prodhuese dhe përpunuese gjatë vitit 2021 dhe 2022 nga MINT dhe KIESA nuk kanë të drejtë të përfitojnë nga kjo thirrje.
- Në rast që ndërmarrja do të jetë përfitues, atëherë do të nënshkruhet marrëveshje dypalëshe (MINT/KIESA dhe ndërmarrje), pjesë e secilës do të jenë edhe deklaratimet që janë bërë me rastin e aplikimit.
- Fushë veprimtaria e ndërmarrjeve duhet të jetë në harmoni me nën sektorët sipas klasifikimit NACE Rev2 dhe nuk pranohet asnjë ndryshim-plotësim pas hapjes së kësaj thirrje publike.
- Pas nënshkrimit të marrëveshjes, ndërmarrjes përfituese do t'i transferohen 80% e vlerës së aprovuar, ndërsa 20% e vlerës së mbetur do t'i transferohen pas realizimit të projektit. Para nënshkrimit të marrëveshjes, ndërmarrjet përfituese obligohen me sjell garancion nga kompanitë e sigurimit apo nga bankat, për vlerën totale të grantit.
- TVSH është shpenzim i pranueshëm vetëm për persona fizik dhe ndërmarrje jo deklaruese të TVSH-së. Për ndërmarrjet që janë deklaruese të TVSH-së, ky është shpenzim i papranueshëm.
- Makineria prodhuese/përpunuese e cila kërkohet të subvencionohet duhet të jetë e re të këtë marrëveshje për dërgesë deri në fabrike, instalim, mirëmbajtje dhe trajnim të stafit dhe nuk lejohet të shes makinerinë brenda tre (3) viteve. Kjo do të jetë pjesë e marrëveshjes së bashkëfinancimit.

- Përfitues do të jenë ndërmarrjet që janë renditur më pikë më të larta nga komisioni vlerësues, varësisht prej limiteve buxhetore të planifikuara.
- Ndryshimi i ofertës mund të bëhet vetëm me kërkesë të veçantë e cila parashtrohet në MINT/KIESA. Kërkesa duhet të mbështetet në arsye të qëndrueshme nga përfituesi dhe e njëjta mund të implementohet vetëm pas miratimit të kërkesës dhe nuk ndryshohet koncepti i projektit dhe shuma e grantit nga Ministria. Në rastet kur kemi ofertues me çmime më të larta se ato të prezantuara në projektin aplikues, atëherë ndryshimet e çmimeve janë obligim i përfituesit dhe në asnjë rast nuk ndryshon vlera e grantit nga Ministria.
- Në ueb të MINT/KIESA do të publikohet lista e ndërmarrjeve të vlerësuara.

7. Si të aplikohet?

Njoftimi për thirrje publike është i publikuar në ueb faqen e MINT dhe të KIESA-së:

⇒ <https://mint.rks-gov.net/>

⇒ <http://kiesa.rks-gov.net/>

Aplikimi bëhet përmes email adresës: nvm.kiesa@rks-gov.net. Afati për dorëzimin e aplikacionit dhe dokumenteve përcjellëse është deri më datë 29.06.2023, ora 16:00.

Ndërsa, informatat shtesë mund të merren përmes email adresës:

sme.kiesa@rks-gov.net konform U.A.01/2018, jo më vonë se pesë (5) ditë para mbylljes së thirrjes publike.

Kriteret e vlerësimit

#	Vlerësimi	Pikët maksimale		
		Lot 1 mikro	Lot 2 e vogël	Lot 3 e mesme
1	Projekt propozimi ³	30	30	30
2	Eksporti për vitin 2022 ⁴	15	15	15
3	Rritja e eksporteve ⁵	15	15	15
4	Qarkullimi vjetor për vitin 2022 ⁶	10	10	10
5	Rritja e qarkullimit ⁷	10	10	10
6	Përqindja e të punësuarve të gjinisë femërore, nga një (1) pikë për çdo 10% të të punësuarve të gjinisë femërore.	10	10	10
7	Rritja e punësimit	Nga pesë (5) pikë për çdo një (1) që do të punësoj	Nga 3.33 pikë për çdo një (1) që do të punësoj	Nga dy (2) pikë për çdo një (1) që do të punësoj
		10	10	10

8. Ankesat

Pas publikimit të rezultateve preliminare aplikuesit mund të adresojnë ankesa brenda afatit të paraparë me UA 01/2018, në email adresën si në vijim:
nvm.kiesa@rks-gov.net.

Shënim:

Në rast se ndonjë informatë e dhënë në këtë projekt/aplikacion vërtetohet të jetë e pa saktë, subjektit nuk do t'i realizohet pagesa dhe rasti do të adresohet tutje sipas legjislacioneve relevante në fuqi.

³ Të paraqiten në projekt propozim, qëllimi, aktivitet e projektit, kosto financiare, plani kohore i projektit, strukturën organizative të aplikuesit, kapacitetet aktuale prodhuese dhe synimet e rritjes së prodhimit dhe eksportit, apo zëvendësimit të importit në rast të përfitimit të grantit, rëndësia e propozimit me prioritetet e thirrjes, sektorët dhe specifikat e tjera, sa i adreson propozimi i projektit pengesat strukturore të atij sektori, çfarë vlere të shtuar ka projekti për vendin, sa janë aktivitetet e realizueshme dhe të qëndrueshme në lidhje me rezultatet e pritshme dhe rreziqet e mundshme, si dhe mënyra e implementimit.

⁴ Eksporti për vitin 2022 të dëshmohej me dokument të lëshuar nga Dogana e Kosovës. Kjo nënkupton totalin e eksportit të biznesit për vitin 2022.

⁵ Eksportit për vitin 2022 dhe 2021 të dëshmohej me dokument të lëshuar nga Dogana e Kosovës. Kjo nënkupton krahasimin e rritjes së eksportit për vitin 2022 krahasuar me vitin 2021.

⁶ Qarkullimi vjetor për vitin 2022 të dëshmohej me dokument të lëshuar nga ATK. Kjo nënkupton totalin e qarkullimit të biznesit për vitin 2022.

⁷ Qarkullimi për vitin 2022 dhe 2021 të dëshmohej me dokument të lëshuar nga ATK. Kjo nënkupton krahasimin e rritjes së qarkullimit për vitin 2022 krahasuar me vitin 2021.